

**PABLAAK TI KATRIBU PARTY LIST, CORDILLERA PEOPLE'S ALLIANCE-KALINGA (CPA-KALINGA), TIMPUYOG DAGITI MANNALON TI KALINGA (TMK) MAIPAPAN ITI AGTULTULOY KEN SAAN A NAINKALINTEGAN A NANGISIT A PROPAGANDA TI 21<sup>ST</sup> KEN 77<sup>TH</sup> IB PA TI 5<sup>TH</sup> ID KEN PNP A MANGPADPADAKES KADAGITTOY A PROGRESIBO NGA ORGANISASYON BABAEN ITI PLANADO KEN NADUMADUMA A WAGAS KEN PAMUSPUSAN. MAKITA DAGITI KONGKRETO NGA INARAMID DA KAS KADAGITI SUMAGANAD;**

SAKBAY AGGIBUS TI TAWEN 2009 KEN INGGANA ITI AGDAMA, SAAN A BUMABA ITI TALLO A PLATOON WENNO MAYSA A COMPANY TI BILANG TI TROPA TI SID ITI TUNGGAL AG-OPERASYON DA ITI MUNISIPYO TI TANUDAN, TINGLAYAN, LUBUAGAN, PASIL, BALBALAN, PINUKPUK KEN UPPER TABUK. ISAKSARNAP DAGITTOY A TROPA KADAGITI BARANGAY A MADALAPUS TI OPERASYON DA A TI CPA, TMK, BAYAN MUNA, ANAKPAWIS, KABATAAN, GABRIELA, KATRIBU PARTY LISTS KET ORGANISASYON KANO TI CPP-NPA-NDF.

IDIAW BALLAYANGON, PINUKPUK – KALPASAN A MAPABUTNGAN DAGITI UMILI, NAIYARAMID TI MITING IDI APRIL 9, 2010 BABAEN ITI PANANGI-FACILITATE NI MSGT. FERDINAND PAY-ONG ITI 21<sup>ST</sup> IB PA. DITTOY NGA INLAWLAWAG NI MSGT. FERDINAND PAY-ONG A TI TMK KET ORGANISASYON TI NPA. ITI DAYTOY A MITING KET NAG-ARAMID DA ITI MAYSA A CERTIFICATE A PANANGWASWAS DA ITI BALLAYANGON FARMERS ASSOCIATION A NAIBANGON IDI FEBRURY 2010 A PINIRMAAN TI TALLO NGA OPISYAL KEN UPPAT A MEMBERS TI NASAO NGA ORGANISASYON.

APATAN, PINUKPUK – TI APATAN FARMERS KOMBOY ALLUYON (AFKA) KET PILIT A SINUKTAN TI 21<sup>ST</sup> IB ITI APATAN FARMERS COMMUNITY ASSOCIATION (AFCA).

BASAO, TINGLAYAN KEN TANGLAG, LUBUAGAN – IDI MARCH 10 KEN MARCH 27 ITI DAYTOY A TAWEN KET NAKAAWAT DAGITTOY A BARANGAY BABAEN KADAGITI BARANGAY OFFICIALS DA ITI AGPADA TI LINALAON NA A RESOLUTION MANIPUD ITI 21<sup>ST</sup> IB PA KEN PILIT DA NGA IPAPIRMA KADAGITI BARANGAY OFFICIALS A TI BARANGAY DA KET NAWAYAWAYAAN ITI INSURHENSYA.

KABAYATAN NGA AGTULTULOY TI AWAN SARDAY NGA OPERASYON MILITAR ITI UPLAND AREAS, NASAKNAP MET LAENG TI NANGISIT A PROPAGANDA NGA AKTIBIDAD DA DITTOY KAPATAGAN TI PROBINSYA KAS MAKITA KADAGITI SUMAGANAD;

- MANIPUD NAIRUGI TI PANANGIPALKAT KADAGITI POSTERS DAGITI KANDIDATO, DAGITI POSTERS TI KATRIBU, LIZA MAZA KEN SATUR OCAMPO TI DAGUS A MAIK-IKKAT KEN MAPA-AB-ABAYAN ITI PANANGAL-ALLILAW KEN PANANGDADAEL NGA ISUDA KANO KET KANDIDATO TI NPA.
- IDI BULAN TI MARSO – NAKA-AWAT DAGITI BARANGAY CAPTAINS/BARANGAY OFFICIALS TI BARANGAY IPIL KEN BARANGAY LACNOG, TABUK ITI PANANGPANGTA WENNO WARNING A SURAT. TI NASAO A SURAT KET AWAN TI PIRMA KEN PETA NA. . TI NILALAON TI NASAO A SURAT KET IBAGBAGA NA A DAGITI PROGRESIBO A KANDIDATO KEN PARTY LISTS KAS ITI KATRIBU, BAYAN MUNA, ANAKPAWIS,

KABATAAN KET INSTRUMENTO KANO TI NPA. BINIRNGASANA PAY NI SATUR OCAMPO KAS BERDUGO IMBES A NI GENERAL PALPARAN TI PUDNO A BERDUGO. ITI MAUDI A PASET TI NASAO A SURAT KET “ *AGSERBI KUMA DAYTOY NGA UMUNA A PAKDAAR! (CONSIDER THIS AS FIRST WARNING)*”. TALGED DEMOKRASYA TI SIGNATORY NA.

- APRIL 11, 2010 – AGARUP 10 O’LOCK ITI AGSAPA – DUA A NAKALUGAN ITI MULTI-CAB A PAMPASAHeros ITI BULANAO-DAGUPAN TI NAGIWARAS ITI ADU A POLYETOS A PANANGDADAEL ITI KATRIBU, BAYAN MUNA, ANAKPAWIS, KABATAAN PARTY LISTS.
- TULOY-TULOY A PANANGPADPADAKES KADAGITI PRORESIBO A PARTTY LISTS KEN PANANGLIMLIMO ITI UMILI BABAEN ITI PROGRAMA A SOLDIERS HOUR KADAGITI RADIO STATIONS.

UMUNA UNAY, KAYAT MI NGA IDANON NGA TI PAGKA-AMMO MI ITI AFP KEN PNP KET MANGTARTARAWIDWID ITI LINTEG KEN KONSTITUSYON PARA ITI KAPYA KEN TALNA NGEM TUMUTOP KEN MAIPARBENG KADI DAGIToy NGA AR-ARAMIDEN DA? SAAN KADI NGA *ELECTIONEERING* DAYTOY? SAAN KADI A GENERAL ASSEMBLY LAENG TI MANGBALIW ITI ANIA MAN A PANAGSUKAT TI NAGAN KEN PANANGWASWAS ITI MAYSa NGA ORGANISASYON? SINO NI TALGED DEMOKRASYA A MAUS-USAR A SIGNATORY ITI PANAGPANGPANGTA A SURAT? KAYAT MI MET LAENG NGA IWARAGAWAG NGA AMIN NGA AGKANDIDATO AGRAMAN DAGITI PARTY LISTS KET DUMALAN ITI REQUIREMENTS KEN REKISITOS TI COMMISSION ON ELECTION WENNO COMELEC KEN COMELEC TI MANGBASBAS NU KWALIPIKADO DAGIToy. KAYAT NA A SAWEN, INIKKAN TI COMELEC TI BAYAN MUNA IDI PAY LAENG 1998, ANAKPAWIS, GABRIELA, KABATAAN KEN KATRIBU PARTY LISTS ITI PAMMALUBOS KAS KWALIPIKADO A PARTY LISTS.

SAAN A BARO DAYTOY A PASPASAMAK GAPUTA NALAWAG KADATAYO AMIN A DAYTOY KET SILPU KEN TULOY TI OPLAN BANTAY LAYA II A PROGRAMA NI PRESIDENTE GLORIA MACAPAGAL ARROYO ITI UBBAW KEN DISPERADO A PANANGPUNAS DA ITI INSURHENSYA ITI PILIPINAS A NU SADINO KET INRAMAN KEN IMBILANG DA AMIN A PROGRESIBO A GRUPO KAS ITI BAYAN MUNA, ANAKPAWIS, GABRIELA ITI LISTAAN DA KAS MIEMBRO ITI CPP. AGPANNAWAGAN NGARUD TI TIMPUYOG DAGITI MANNALON ITI KALINGA (TMK), CORDILLERA PEOPLE’S ALLIANCE – KALINGA CHAPTER KEN KATRIBU PARTY LIST – KALINGA KADAGITI NADUMADUMA A GRUPO, SEKTOR KEN INDIVIDUAL DIToy PROBINSYA A RIMBAWAN TAY AMIN TI BUTENG TAPNO KONDENAREN DAGIToy A KINADANGKOK NGA ARAMID, PARA ITI TARIGAGAY ITI NADALUS, NAPUDNO, KEN NAINKAPYAAN NGA ELEKSYON WENNO HONEST, ORDERLY, PEACEFUL ELECTION (HOPE). PARIMBAWEN TAYO KOMA TI KAUGALIAN A PANAGRESPETO ITI PADA A TAO KEN KANAYON A PANANGITANDUDO ITI KARBENGAN TAYO KAS TAO.

KATRIBU PARTY LIST – KALINGA  
CORDILLERA PEOPLE’S ALLIANCE – KALINGA CHAPTER  
TIMPUYOG DAGITI MANNALON TI KALINGA (TMK)  
APRIL 24, 2010